

put Bosne i Hercegovine je u jednom smjeru

Izgradnja prosperitetnog demokratskog društva u srcu Evrope

Specijalni predstavnik Evropske unije u Bosni i Hercegovini

Mandat specijalnog predstavnika Evropske unije jeste da pomogne Bosni i Hercegovini da okonča svoj put ka punom članstvu u EU.

Ovo je ambiciozan zadatak, ali dvije stvari pokazuju da se može uspješno okončati: prva je da je Evropska unija opredijeljena da pomogne Bosni i Hercegovini i njenim susjedima da zauzmu svoje mjesto kao punopravne članice Evropske unije, a druga je da postoji ogromna podrška građana u Bosni i Hercegovini i ostalim zemljama regiona da se što je prije moguće osigura članstvo u EU.

Specijalni predstavnik EU (EUSR) je isto tako i visoki predstavnik međunarodne zajednice, odgovoran za nadgledanje provedbe Daytonskog mirovnog sporazuma. Dok se Ured visokog predstavnika sistematski smanjuje – što dokazuje da je većina daytonskih pitanja implementirana – Ured specijalnog predstavnika EU ojačava.

Odgovornost specijalnog predstavnika EU je da osigura zajednički rad svih agencija Evropske unije u Bosni i Hercegovini koje trebaju djelovati na najefikasniji način, pri tome pomažući BiH da ide naprijed ka EU i da realizira Evropsko partnerstvo i Sporazum o stabilizaciji i pridruživanju, kao i Daytonski mirovni sporazum.

Sveukupni cilj je da se Bosni i Hercegovini ponudi konstruktivno partnerstvo dok se ona razvija u prosperitetno multietničko demokratsko društvo koje će moći da se pridruži EU.

Kako bi se to ostvarilo, specijalni predstavnik EU:

- pruža savjete Evropske unije o tome kako politički proces u BiH učiniti efikasnijim i efektivnijim;
- ostvaruje kontakte sa šefovima misija EU kako bi osigurao da agencije EU rade na efektivan način i nadopunjajući jedna drugu;
- daje političke smjernice relevantne za BiH Policijskoj misiji EU i snagama EU;
- nadgleda aktivnosti vezane za vladavinu prava i pruža savjete institucijama EU o ovom pitanju;
- pruža podršku za efektivniji sistem krivičnog pravosuđa;
- radi sa lokalnim organima vlasti kako bi im pomogao da u potpunosti sarađuju sa Međunarodnim krivičnim tribunalom za bivšu Jugoslaviju (ICTY) i
- doprinosi razvoju i konsolidaciji poštivanja ljudskih prava i temeljnih sloboda u Bosni i Hercegovini.

Specijalni predstavnik EU podnosi izvještaj Vijeću Evropske unije, koji

predstavlja 27 država članica EU, preko visoke predstavnice za vanjske poslove i sigurnosnu politiku Catherine Ashton.

Specijalni predstavnik EU je u dobroj poziciji da pomogne Bosni i Hercegovini da ostvari kontinuiran napredak jer se program integracije u EU razvijao i usavršavao tokom decenija kroz praktično iskustvo država članica. *Acquis communautaire* je vrsta modela - hiljade stranica zakonodavstva EU koje Bosna i Hercegovina mora donijeti i provesti prije nego postane članica.

Kako se ovaj model pretvara u realnost, građani počinju da osjećaju prednosti.

Vlasti u BiH mogu uspješno ispuniti uslove neophodne za proces evropskih integracija. Napredak ostvaren u ispunjavanju uslova iz Mape puta za liberalizaciju viznog režima zaslužuje pohvalu, a sličan napredak je potreban i za rješavanje uslova u drugim oblastima važnim za proces evropskih integracija kako bi BiH ostvarila članstvo u EU zajedno sa ostalim zemljama u regionu.

Ovaj sveobuhvatan proces reformi pomaže zemljama da ostvare prosperitet; pomaže im da osiguraju vlastitu sigurnost te pruža građanima cijeli niz novih usluga i šansi.

Dobre vijesti su da prednosti koje pruža članstvo u EU ne moraju da se odgađaju do onog trenutka kada Bosna i Hercegovina i formalno uđe u Uniju. Iskustvo zemalja članica EU pokazuje da svaka od nekoliko hiljada prepristupnih reformi – u ekonomiji i zapošljavanju, oblasti vladavine prava i obrazovanju – donosi stvarne prednosti građanima dosta prije no što zemlja zaista postane članica.

Agencije EU su u Bosni i Hercegovini sa jednim ciljem, a to je da pomognu da građani ove zemlje što prije osjeće te prednosti.

EU i njene zemlje članice donirale su više od 2,66 milijardi eura za obnovu Bosne i Hercegovine od kraja rata. EU je sistematicno jačala svoj angažman, na primjer tako što je preuzeila odgovornost za međunarodnu



put

Bosne i Hercegovine je u jednom smjeru

Izgradnja prosperitetnog demokratskog društva u srcu Europe

policiju misiju i za mirovne trupe. Taj angažman će još više jačati kako se Bosna i Hercegovina bude približavala punopravnom članstvu.

Osim EUSR-a, EU u Bosni i Hercegovini predstavljaju i sljedeće organizacije:

- **Delegacija Evropske unije** pruža pomoć u obnovi i demokratskoj transformaciji;
- **EUFOR**, najdugotrajnija vojna misija Evropske unije do sada, prati i osigurava poštivanje vojnih aspekata Dayton-a i pomaže održavanju sigurnog okruženja;
- **Policjska misija EU**, prva civilna operacija EU za krizne situacije u okviru Evropske sigurnosne i odbrambene politike, ima za cilj uspostavu održive, stručne i multietničke policije, koja radi u skladu sa evropskim i međunarodnim standardima.
- **Zemlje članice EU** predstavlja 19 diplomatskih misija i zasebno misija zemlje koja trenutno predsjedava EU, što je od 1. januara do 30. juna Španija, a od 1. jula do 31. decembra 2010. godine Belgija.

Specijalni predstavnici Evropske unije

Evropska unija trenutno ima jedanaest specijalnih predstavnika u različitim dijelovima svijeta. Oni promoviraju politiku i interese Evropske unije u kriznim regijama i zemljama i igraju aktivnu ulogu u nastojanjima da se učvrsti mir, stabilnost i vladavina prava.

Specijalni predstavnici EU podržavaju rad Catherine Ashton, visoke predstavnice EU za vanjske poslove i sigurnosnu politiku i potpredsjednicu Komisije. Oni imaju važno mjesto u sve aktivnijoj ulozi EU na svjetskoj sceni. Kroz njih EU ostvaruje aktivno političko prisustvo u ključnim zemljama i regijama, djelujući kao "glas" i "lice" EU i njene politike na terenu.

Jedanaest specijalnih predstavnika EU trenutno služi u sljedećim regijama: Afganistan, regija Velikih jezera u Africi, Afrička unija, Bosna i Hercegovina, Centralna Azija, Kosovo, BiH Jugoslovenska Republika Makedonija, Bliski Istok, Moldavija, Južni Kavkaz i Sudan. Neki specijalni predstavnici EU su rezidentni u zemlji ili regiji u kojoj rade dok drugi putuju iz Brisela.



EUROPEAN UNION
SPECIAL REPRESENTATIVE
IN BOSNIA AND HERZEGOVINA

Valentin Inzko

Valentin Inzko je austrijski diplomata koji je četiri godine bio ambasador te zemlje u Sloveniji, neposredno prije no što je preuzeo dužnost visokog predstavnika i specijalnog predstavnika EU za Bosnu i Hercegovinu u martu 2009. godine.



Ambasador Inzko radi u diplomatiji u oblasti jugoistočne Europe od 1981. godine, kada se pridružio austrijskom Ministarstvu vanjskih poslova i počeo raditi za odjel zadužen za odnose sa regijom. Radio je u austrijskoj ambasadi u Beogradu od 1982. do 1986. godine, a 1992. godine vodio je Misiju OSCE-a na Sandžaku. Od 1996. do 1999. dr. Inzko je bio prvi rezidentni ambasador Austrije u Bosni i Hercegovini. U tom svojstvu bio je zadužen za osnivanje ambasade u Sarajevu. U Beču je od 1999. do 2005. godine vodio odjel Ministarstva vanjskih poslova Austrije zadužen za srednju, istočnu i južnu Evropu, kao i srednju Aziju i južni Kavkaz.

Prije no što se pridružio Ministarstvu vanjskih poslova, dr. Inzko je bio na visokim pozicijama u misijama Programa za razvoj UN-a u Mongoliji i Šri Lanki. Njegova druga diplomatska zaduženja bila su mjesto austrijskog predstavnika u Ujedinjenim nacijama, te zamjenika direktora Misije UN-a za razoružanje.

Ambasador Inzko rođen je 22. maja 1949. u Klagenfurtu, Austrija, i odrastao u domaćinstvu u kome se govorio slovenački jezik. Obrazovao se u dvojezičnoj osnovnoj školi (na slovenačkom i njemačkom jeziku) u selu Suetschach, u blizini Klagenfurta, a potom u srednjoj školi za Slovence u Klagenfertu. Studirao je pravo i jezike na Univerzitetu u Grazu, specijalizirajući se za ruski i tadašnji srpsko-hrvatski jezik. Nakon toga studirao je na Diplomatskoj akademiji u Beču.

Ambasador Inzko je oženjen poznatom mezzo-sopranisticom Bernardom Fink, sa kojom ima dvoje djece.

Kontakt

E-mail: info@eusrbih.eu
Internet: www.eusrbih.eu;
www.eubih.org

EUSR u Bosni i Hercegovini

Telefon: + 387 33 283 500
Faks: + 387 33 283 501
Adresa: Emerika Bluma 1
71000 Sarajevo
Bosna i Hercegovina

EUSR u Briselu

Telefon: +32 2 285 76 49
Faks: +32 2 285 69 47
Adresa: Council of the European Union
Rue Froissart 133
1040 Brussels
Belgium

